

সারাদেশ

চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটার অভিযোগ

প্রতিবেদক: মান্দা (নওগাঁ) প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



নওগাঁর মান্দায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে। বৃহস্পতিবার (১৩ আগস্ট) বেলা ১১টার দিকে উপজেলার দেলুয়াবাড়ি বাজারে এ ঘটনা ঘটে।

আহত ব্যবসায়ী আব্দুল জলিল (৫০) বর্তমানে মান্দা উপজেলা স্বাস্থ্য কমপ্লেক্সে চিকিৎসাধীন। এ ঘটনায় তাঁর স্ত্রী মিরজান বিবি বাদী হয়ে তিনজনের নাম উল্লেখ করে এবং অজ্ঞাতনামা আরও কয়েকজনের বিরুদ্ধে মান্দা থানায় লিখিত অভিযোগ করেছেন।

অভিযোগ সূত্রে জানা যায়, আব্দুল জলিল দীর্ঘদিন ধরে দেলুয়াবাড়ি বাজারে বাইসাইকেল মেরামত ও পেট্রোল বিক্রির ব্যবসা করে আসছেন। ব্যবসা পরিচালনার জন্য চককানু গ্রামের সোহেল রানা, আল আমিন ও রুবেল হোসেনসহ অজ্ঞাতনামা আরও পাঁচ-ছয়জন তাঁর কাছে ৫০ হাজার টাকা চাঁদা দাবি করে আসছিলেন। দাবিকৃত টাকা না দিলে তাঁকে দেলুয়াবাড়ি বাজারে ব্যবসা করতে দেওয়া হবে না বলেও হুমকি দেওয়া হয় বলে অভিযোগে উল্লেখ করা হয়েছে।

এরই ধারাবাহিকতায় বৃহস্পতিবার বেলা ১১টার দিকে সোহেল রানা, আল আমিন ও রুবেল হোসেনসহ কয়েকজন আব্দুল জলিলের দোকানে

গিয়ে পুনরায় ৫০ হাজার টাকা দাবি করেন। টাকা দেওয়া নিয়ে তাঁদের সঙ্গে বাগ্মিতত্ত্বার একপর্যায়ে দোকানে থাকা হাতুড়ি ও লোহার রড দিয়ে তাঁকে মারধর করা হয় বলে অভিযোগ করা হয়েছে।

আব্দুল জলিলের চিৎকার শুনে স্থানীয় লোকজন এগিয়ে এলে অভিযুক্তরা ঘটনাস্থল থেকে সরে যান। পরে স্থানীয়রা তাঁকে উদ্ধার করে মান্দা উপজেলা স্বাস্থ্য কমপ্লেক্সে ভর্তি করেন।

অভিযোগের বিষয়ে অভিযুক্ত আল আমিন তাঁর বিরুদ্ধে চাঁদা দাবি ও মারধরের অভিযোগ অস্বীকার করেছেন।

মান্দা থানার ভারপ্রাপ্ত কর্মকর্তা (ওসি) খোরশেদ আলম বলেন, এ ঘটনায় একটি লিখিত অভিযোগ পাওয়া গেছে। বিষয়টি তদন্ত করে প্রয়োজনীয় আইনগত ব্যবস্থা নেওয়া হবে।

এ বিভাগের আরও খবর



সার্ভার হ্যাক করে এনআইডি-সিডিআরসহ গোপন তথ্য সরবরাহ, যুবক গ্রেপ্তার
নওগাঁর মান্দায় নির্বাচন কমিশনের সার্ভারে সংরক্ষিত নাগরিকদের ব্যক্তিগত ও গোপন তথ্য সংগ্রহ করে আর্থের বিনিময়ে সরবরাহের অভিযোগে মো. আব্দুস সাদা...



যৌতুকের জন্য গৃহবধুকে হত্যার অভিযোগ পরিবারের, গ্রেফতার দাবি
নীলফামারীতে যৌতুকের জন্য নাছরিন নাহার (৩৫) নামে এক গৃহবধুকে পরিকল্পিতভাবে হত্যা করা হয়েছে বলে অভিযোগ করেছে তাঁর পরিবার। এ ঘটনায় জড়িতদের প্র...



হাইকোর্টের নির্দেশে ইসলামী রীতিতে শুভ চন্দ্রের দাফন সম্পন্ন
অবশেষে হাইকোর্টের নির্দেশে ইসলামী রীতি অনুযায়ী দাফন করা হয়েছে ধর্মভীরু শুভ চন্দ্র দাস ওরফে মো. বিল্লালের মরদেহ।
রোববার রাতে নারায়ণপাড়া নগর...



পদ্মায় নিখোঁজ ছাত্রদল নেতা রাকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হাড্ডিগু রিজের পিলারের সঙ্গে ধাক্কা লেগে নিখোঁজ স্বিনাইদহের শৈলকুপার
পৌর ছাত্রদলের সদস্য...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/chandar-50-hajar-taka-na-deoyay-bjbsayike-haturipetar-obhijpg>